

Gijgwn Ndei Coux Hek

Angqhoh Ciet Cimzmoq

美食迎宾客

欢庆尝新节

Ndwen 7 ngoenz 31, Lingzyinz Yen Swcwngz Cin Lungjhau Cunh Mbanjlung' vangz geiz mbin-yagyag, ciengq go diuq foux, gizneix cingq banh ciet vwnzva "yeyau Mbanjyauz·Bunuj cimzmoq".

Hozdung yienhciengz, gyoengq vunzmbanj ciuq gij sibgvenq ndwenngoenz dangdieg, yungh haeuxgwn guh baenz ceiz daengj doenghij gijgwn ndei neix, caeqbaiq cojcoeng, gouz bimoq fwn yinz rumz swnh, haeuxgwn fungsou. Gyoengq vunzmbanj gag bien gag yienj 《Ngaiz Cimzmoq》《Lwg Mbanjyauz Okhaq》《Hoh Fungsou》《Fouxdaajndae》daengj gofoux minzcuz yienghnduj lai cungj lai yiengh, langhbaij le doxgaiq gunghyi fwngzguh minzcuz gyaqciq haenx, yinx ndaej haujlai bouxhek daeuj yawjngonz youzcet. Mwh guh cezmuuz lij caphaeuj cwngcwz fapgvi、cihsiz leih beksingq caeuq gij ciengzsik vwnzva conzdungj minzcuz doxdoengh ciengjdap dem, bouxyawj laj daiz dopfwngz huhu, haenhndei mbouj daengx.

Ciuq cam rox, ciet cimzmoq dwg aen ciet conzdungj Bunujyauz dangdieg, daih cojcoeng daj-ndaem、dwknyaen gvaq ndwenngoenz, baeznaengz daengz ndwenroek haeuxyangz baenz le, gyoengqde cungj aeu haeuxyangz daengj doengh go haeux sou ma ranz gonq, guhbaenz ceiz baiq cojcoeng、gingq saenzbha, hawj cojcoeng cimzmoq le, gak ranz gak hoh cij cingqsik bae mbaetsou.

(Loz Hihhaij/罗希海)



▲ Vunzmbanj biujvienj diuq fouxdaajndae.



▲ Vunzmbanj yienj guh ceiz.

Yungzanh: Bouxguhnaz Diegbya Daj-ndaem Maknongzgoet Bang Vut Gungz

融安：山区农民种植火龙果助脱

Ndwen 8 ngoenz 2, youq Liujcouh Si Yungzanh Yen Sahswj Yangh Gujyi Cunh, bouxguhnaz cingq youq doenghnaz sou mak-nongzgoet. Seizneix cingq dwg seizciet baenz gai maknongzgoet. Geij bi neix daeuj, Yungzanh Yen Sahswj Yangh diegyouq diegbya baihbak Guengjsae neix, youq mwh vut gungz gunggeng yawjnaek giethab saedsaeh dangdieg, doenggvaq

“dangigen daiq fouq” gunghcwngz, sonyinx bouxguhnaz dajndaem maknongzgoet, bangrenz bouxguhnaz diegbya baenz miz, saedyienh vaiqdi vut gungz. Seizneix, maknongzgoet hawciengz soucawx gyaqcienz daengz goenggaen 10 maenz, moix moux ndaej ca mbouj geijlai 20000 maenz.

(Danz Gaijhingh/谭凯兴)



▲ Bouxhek haeuj ndaw suen maknongzgoet bae mbaet mak.



▲ Bouxguhnaz doiq maknongzgoet faen gaep, caepcawq dawz bae gai.



▲ Bouxyienj cingq yienj ciengqgo.

Lozcwngz: Ciengq Go Diuq Foux Hoh “Bet It”

罗城：歌舞飞扬庆“八一”

Ndwen 7 ngoenz 31 banhaemh, Lozcwngz Mulajcuz Swciyen banh aen vanjvei geiqniemh Cungguk Yinzminz Gaijfangginh laebbing 90 hopbi nem vwnzyi senhconz ciubing, baez vanjvei neix cawjdaez dwg “geizbing mbinyeg·go bing haprwenz”, vunzlai gak hangz ndawbiengz caeuq gyoengq guen bing yienh yinzvujbu、vujgingj Lozcwngz cunghdui、vujgingj Lozcwngz ndaepeiz dadui doxcomz giz ndeu, caez angqhoh “bet it”. Daengx ciengz vanjvei ndei yawj raixcaix, yienh’ok bouxbing caeuq beksingq dwg ranz vunz ndeu, gikfat gij yiedcingz bouxcoz bae dang bing bauqyauq guekgya.

(Mungz Cwnghsw/蒙增师)



▲ Song mehmbwk langhbaij huq siuq.

Yungzsuij: Siuqva “Siuq” Ok Roen Baenz Miz

融水：绣花“绣”出致富路

Geij bi neix daeuj, Yungzsuij Myauzcuz Swciyen gij vwnzva minzcuz lai cungj lai yiengh haenx yinx ndaej haujlai bouxhek guek ndaw guek rog daeuj yawjngonz、dajjniemh, dajsiuq、ndangdaenj minzcuz conzdungj daengj huq minzcuz gai ndaej gyalai. Dangdieg giethab saedsaeh, gyalai ligdoh son’gyauq dinfwngz minzcuz guh ndangdaenj minzcuz、dajsiuq daengj, coicaenh laisou. Ciuq gyoepsuenq, dan siuqva hangh neix, boux canghheiq ndeu ndwen couh ndaej laisou 1000 lai maenz.

(Liu Swjyenh/廖子渊)